

Stjórn málaályktun 43. landsfundar Sjálfstæðisflokksins 16.-18. mars 2018

Sjálfstæðisflokkurinn byggir stefnu sína á mannréttindum, jafnræði, frelsi og ábyrgð einstaklingsins. Sjálfstæðisflokkurinn vill tryggja jöfn tækifæri allra og fjárhagslegt sjálfstæði einstaklinga sem er grundvöllur jafnréttis. Ísland er og á að vera leiðandi í jafnréttismálum í heiminum. Það er ekki hlutverk stjórnvalda að jafna hag manna með valdboði heldur tryggja að sem mest sé til skiptanna og að umbun fylgi árangri. Á sama tíma sé stutt við þá sem standa höllum fæti.

Sjálfstæðisflokkurinn hafnar hvers kyns ofbeldi. Leggja ber áherslu á forvarnir og stuðning við félagasamtök og stofnanir sem vinna gegn ofbeldi. Gera þarf enn betur í réttarvörslukerfinu þegar kemur að þolendum ofbeldisbrota, einkum kynferðis- og heimilisofbeldis. Nýrri aðgerðaráætlun um meðferð kynferðisbrota hefur verið hrint í framkvæmd og fjármögnuð að fullu. Styttu þarf málsmeðferðartíma og setja kynferðisbrotamál í forgang.

Taka þarf vel á móti þeim sem leita hælís á Íslandi. Ekki má láta átölulaust að hingað komi fólk frá öruggum ríkjum í þeim tilgangi að misnota réttindi fólks sem er á flóttu frá raunverulegri neyð. Mikill árangur hefur náðst við styttingu málsmeðferðartíma umsókna um alþjóðlega vernd.

Viðsnúningur hefur orðið í rekstri ríkissjóðs frá 2013. Hallarekstur heyrir nú sögunni til og tryggja þarf að svo verði áfram. Niðurgreiðsla skulda og aðhald í ríkisútgjöldum eru mikilvægustu viðfangsefni fjárlagagerðarinnar. Sjálfstæðisflokkurinn fagnar því að þak á skuldir ríkissjóðs er nú fest í sessi í lögum. Stefnt skal að því að útgjöld hins opinbera verði ekki hærri en 35% af landsframléiðslu. Sjálfstæðisflokkurinn mun forgangsraða í þágu grunnþjónustu.

Sjálfstæðisflokkurinn vill áframhaldandi uppbyggingu Landspítala. Lokið verði þeirri uppbyggingu á Landspítalalóð sem er komin á framkvæmdastig og tengist núverandi starfsemi. Farið verði tafarlaust í staðarvalsgreiningu fyrir framtíðaruppbyggingu sjúkrahúspjónustu. Bregðast þarf við vaxandi þörf fyrir heilbrigðisstarfsfólk. Lækka þarf enn frekar þakið á kostnaði þeirra sem mest þurfa á heilbrigðisþjónustunni að halda. Mikilvægt er að horfa til fjölbreyttra rekstrarforma í heilbrigðisþjónustu með það að markmiði að auka aðgengi, þjónustu, skilvirkni og hagkvæmni með áherslu á skýrar gæðakröfur. Gera þarf heilbrigðisstéttum kleift að stunda sjálfstæðan rekstur.

Nauðsynlegt er að endurskoða bætur almannatrygginga í heild sinni út frá þeirri grunnforsendu að öllum séu tryggðar lágmarkstekjur til lífsviðurværis án þess að dregið sé úr hvatanum til sjálfsbjargar og möguleikum einstaklingsins til að bæta kjör sín. Sjálfstæðisflokkurinn vill tryggja öllum tækifæri til þátttöku á vinnumarkaði. Króna á móti krónu skerðing viðgengst ennþá hjá þeim sem eru á örorkulífeyri. Þá skerðingu ber að afnema nú þegar.

Sjálfstæðisflokkurinn vill að aldraðir á dvalar- og hjúkrunarheimilum haldi fjárhagslegu sjálfstæði sínu. Tekjur og lífeyrisgreiðslur undir viðmiðunarmörkum eiga ekki að skerða greiðslur TR. Lækka á skerðingarprósentu almannatrygginga í áföngum og hækka hið almenna frítekjumark.

Leggja ber áherslu á forvarnir í geðheilbrigðismálum með stórauðni átaki. Halda þarf áfram að auka þjónustu heilsugæslunnar til að sinna fyrsta stigs þjónustu við einstaklinga með geðræn vandamál.

Sjálfstæðisflokkurinn mun beita sér fyrir að fjarlægja þær hindranir sem eru á vegi fólks sem eignast vill húsnæði. Hvetja skal sveitarstjórnir til að auka framboð lóða og lækka gjaldtöku á nýbyggingar og afnema skal afskipti hins opinbera af greiðslumati og ábyrgðum á lánnum vegna húsnæðiskaupa. Jafnframt þarf að skapa skilyrði fyrir heilbrigðan leigumarkað.

Hagvöxtur, bætt lífskjör og samkeppnishæfni Íslands byggja á menntun og vísindastarfi. Auka þarf námsframboð og fjölga sjálfstætt starfandi skólum. Fjölbreytt rekstrarform, nýsköpun og minni miðstýring í skólastarfi er mikilvægur þáttur í að auka gæði menntakerfisins. Huga þarf betur að uppbyggingu náms fyrir nemendur með íslensku sem annað mál því árangur þeirra og atvinnuþátttaka auk aðlögunar að íslensku samfélagi er mikilvæg.

Landsfundur áréttar að engin þörf er á eignarhaldi ríkisins á fjármálafyrirtækjum til lengri tíma litið. Ríkið selji eignarhlut sinn í bönkunumjafnframt sem ráðist verði í frekari einkavæðingu þar sem ríkið er í samkeppnisrekstri. Söluferlin skulu vera opin og leikreglur skýrar. ÁTVR verði lagt niður í núverandi mynd.

Greiðar og öruggar samgöngur eru mikilvæg undirstaða atvinnulífs, ferðaþjónustu, einstaklingsfrelsis og samkeppnishæfni byggðarlaga landsins. Skýr forgangsröðun, aukin burðargeta og umferðaröryggi skal haft að leiðarljósi í framkvæmdum. Bæta þarf þjóðvegi í þéttbýli. Fyrirbyggjandi framkvæmdir þar sem slysatíðni er há verði settar í forgang með það að markmiði að koma í veg fyrir banaslys og alvarleg slys. Efla ber almenningssamgöngur.

Skattkerfið og regluverk atvinnulífsins á að vera einfalt og sanngjarnt. Skatta þarf að lækka. Atvinnufrelsi, virk samkeppni og hagkvæm nýting auðlinda eru forsendur efnahagslegra framfara og undirstaða velferðarkerfisins.

Taka ber alvarlega þá náttúruvá sem stafar af loftslagsbreytingum af mannavöldum. Stjórnvöld verða að móta almenna stefnu og gera átak í umhverfismálum og virkja ábyrgð einstaklingsins. Mikilvægt er að standa vörð um náttúruna og að hún sé nýtt með sjálfbærum hætti. Þeir sem nýta náttúruauðlindir eiga að greiða fyrir það sanngjarnt gjald. Reynslan hefur sýnt að skynsamleg og hagkvæm nýting náttúruauðlinda Íslands er að jafnaði best tryggð með því að nýtingar- og afnotaréttur sé í höndum einkaaðila. Villt og óspillt náttúra er mikilvæg auðlind.

Viðskiptafrelsi er einn af hornsteinum utanríkisstefnu Íslands. Sjálfstæðisflokkurinn leggur áherslu á að tryggja sem víðtækast frelsi í milliríkjavíðskiptum og afnám viðskiptahindrana. Íslendingum ber að styðja af einurð málefni friðar og mannréttinda. Aðild Íslands að Atlantshafsbandalaginu er forsenda þess að öryggi landsins sé tryggt. Varnarsamstarf við Bandaríkin þarf ávallt að vera í samræmi við þarfir Íslands. Sjálfstæðisflokkurinn áréttar að hagsmunir Íslands séu best tryggðir með því að standa utan Evrópusambandsins.